

EkuiNAS bakal ceburi segmen reka bentuk, kejuruteraan

KUALA LUMPUR 9 Mei - Ekuiti Nasional Bhd. (EkuiNAS) berada di peringkat akhir mengambil alih syarikat perkhidmatan reka bentuk dan kejuruteraan sebahagian daripada usaha mempelbagaikan portfolio pelaburannya.

Pengerusi EkuiNAS, Tan Sri Raja Arshad Raja Tun Uda berkata, syarikat itu memiliki kehadiran serantau yang kukuh dan pihaknya masih di peringkat perbincangan serta akan membuat pengumuman tidak lama lagi mengenai perkara tersebut.

Selain itu, katanya, syarikat juga masih mengintai peluang untuk melabur di dalam segmen minyak dan gas (O&G) dan melihat tidak terlambat untuk mengurangkan pendedahan terhadap segmen itu buat masa ini.

Jelas beliau, sejak ditubuhkan, EkuiNAS telah melaksanakan 53 pelaburan kumulatif melalui Program Pelaburan Langsung dan Penyumberan Luar berjumlah hampir RM3 bilion.

“Bersama-sama modal swasta, syarikat telah menggerakkan penempatan modal sebanyak RM3.6 bilion yang memberi kesan positif buat ekonomi Malaysia.

“Bagi tahun kewangan berakhir 31 Disember 2016, EkuiNAS melak-



ABDUL Rahman Dahlan bersama Arshad Raja Uda (kiri) dan Syed Yasir Arafat Syed Abd. Kadir (kanan) meneliti buku laporan tahunan EkuiNAS di Kuala Lumpur, semalam. - UTUSAN/ GAIE UCHEL

sanakan komitmen pelaburan sebanyak RM172.6 juta dalam tujuh pelaburan langsung dan penyumberan luar termasuk dua pelaburan langsung dengan komitmen modal yang terikat sebanyak RM123.2 juta,” katanya dalam majlis pengumuman keputusan kewangan EkuiNAS di sini hari ini. Turut hadir Menteri di Jabatan Perdana Menteri, Datuk Seri Abdul Rahman Dahlan bersama Arshad Raja Tun Uda (kiri) dan Ketua Pegawai Eksekutif EkuiNAS, Syed Yasir Arafat

Syed Abd. Kadir

EkuiNAS berjaya meningkatkan nilai ekuiti bumiputera melalui aktiviti pelaburannya sebanyak RM3.9 bilion atau 1.4 kali modal dilabur bagi tahun kewangan berakhir 31 Disember 2016.

Syarikat pengurusan dana ekuiti persendirian berkaitan kerajaan itu juga mencatatkan peningkatan sebanyak RM5.6 bilion atau dua kali modal dilabur dalam jumlah nilai pemegang saham.